



Selasa, 27 Juli 2021

Ogen: Kuan-Kuanen 18:24



"Teman Si Setia"



Lit nge temanndu si setia sedekah enda? Uga nge siikatakan setia e?, teman si setia e berarti temanta si ngasup ia ras kita tupung kita susah ntah pe senang. Teman si setia e pe ngasup si ngaloken kekurangenta ras kelebihanta. Lit nge temanndu sibage rupana? Adi siukuri, mungkin nggo jarang kel sijumpai. Kuan-Kuanen 18:24 mereken gambaren kerna teman si setia ras teman silebihen asangken ersenina. Kitab Kuan-Kuanen enda eme kitab kepentaren ntah pe rusur ikatakan kitab *hikmat* si mabai kita makeken kepentaren arah Dibata nari gelah ngasup kita jadi teman si setia man temanta. Ise pe pasti nggit jadi teman setia tapi melala kita la ngasup setia bas pertemananta e. Teman si setia e bali bagi biak si niajarken Yesus man banta, ibababina kita erdeherna ras Dibata, mabai kemalemen ate, mabai kesenangan selaku anak-anak Dibata, ras la pernah mereken pengaruh negatif bas kegeluhenta. Adi kita sukses, adi kita ndatken keuntungan, adi lit erbage-bage keuntungan bas kita biasana teman e nggit ras kita, tapi adi kegeluhenta dem alu kiniseran maka teman e pe la bagi teman. Tapi adi tahu-tuhu teman e nggo baci jadi pasu-pasu, siugapana pe kita ngasup ia ngalokenca emaka ia baci ndeher ras kita lebihen asangken ersenina. Yesus pe merken diriNa guna jadi teman si setia man manusia. Emaka, si usihlah. Kita jadi teman si setia. Teman si setia, ngasup ngaloken kritik, nggit sipersinngeti, bas kerina kekurangan ras kesalahenna. Melala kel keuntungan sidat adi kita nggit jadi teman si setia nandangi temanta. Erbage-bage keuntungan enda njadikan kita erdewasana secara kinitieken. Mother Teresa pernah erbelas bas sada kutipen, "*Jadilah sahabat bagi semua orang, setelah engkau melakukannya, maka engkau pun jadi sahabat bagi Tuhan.*"